



SAKSFRAMLEGG

Sakshandsamar: Jan Erik Boge	Arkivkode: FE-044
Arkivsaksnr: 18/1787	Løpenr: 20/1103
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	20.02.2020	007/2020

Utarbeiding av framlegg til forskrift om godtgjersle m.m. for folkevalde i Samnanger kommune

20.02.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 007/2020 Vedtak:

Rådmannen får ansvar for å utarbeida framlegg til forskrift om folkevalde sin rett til å få dekka utgifter og økonomisk tap, arbeidsgodtgjersle, ettergodtgjersle og permisjonar, jf. reglar i kapittel 8 i kommunelova. Framlegget skal leggjast fram til første gongs politisk handsaming i formannskapet sitt mai-møte og kommunestyret sitt juni-møte i 2020.

Rådmannen sitt framlegg til vedtak:

Rådmannen får ansvar for å utarbeida framlegg til forskrift om folkevalde sin rett til å få dekka utgifter og økonomisk tap, arbeidsgodtgjersle, ettergodtgjersle og permisjonar, jf. reglar i kapittel 8 i kommunelova. Framlegget skal leggjast fram til første gongs politisk handsaming i formannskapet sitt mai-møte og kommunestyret sitt juni-møte i 2020.

Dokument som er vedlagt:

Rundskriv - Utforming av nye forskrifter i kommunene og fylkeskommunene

Dokument som ikkje er vedlagt:

- Kommunalova
(<https://lovdata.no/dokument/NL/lov/2018-06-22-83>)
- Forvaltningslova
(<https://lovdata.no/dokument/NL/lov/1967-02-10>)
- Reglement for godtgjersle til folkevalde i Samnanger kommune
(<https://www.samnanger.kommune.no/Handlers/fh.ashx?Mid1=67&Filld=10>)
- Reglement for kommunestyret, formannskapet, naturutvalet og kontrollutvalet i

Kva saka gjeld:

Etter reglane i den nye kommunelova skal kommunestyret gje forskrift om folkevalde sin rett til å få dekkja utgifter og økonomisk tap (§ 8-3), arbeidsgodtgjersle (§ 8-4), ettergodtgjersle (§ 8-6) og permisjonar (§ 8-10).

Også etter den gamle kommunelova skulle kommunestyret reglar for dekking av utgifter, økonomisk tap og arbeidsgodtgjersle. Det som er nytt i den nye kommunelova er at reglane no skal gjevast som forskrift, ikkje som reglement. Det betyr at krava til forskrifter som er fastsett i forvaltningslova må oppfyllest. Forvaltningslova stiller mellom anna krav til korleis forskrifter skal utformast og høyrast.

Samnanger kommune har i dag eit reglement for godtgjersle til folkevalde. Dette reglementet vart vedteke av kommunestyret i 2007. Nokre punkt i reglementet har vorte endra/revidert etter 2007.

Samnanger kommune har òg eit reglement for kommunestyret, formannskapet, naturutvalet og kontrollutvalet. Dette reglementet vart vedteke av kommunestyret i 2013, men inneheld så vidt administrasjonen kan sjå ikkje reglar om nokon dei punkta som den nye forskrifta skal omfatta.

Det bør no bestemast korleis arbeidet med utarbeiding av forslag til forskrift skal leggjast opp, og kven som skal ha ansvaret for dette arbeidet.

Vurderingar og konsekvensar:

Så langt administrasjonen har funne ut, har styresmaktene ikkje fastsett ein frist for når forskrifta må vera vedteken/sett i kraft. Administrasjonen tilrår likevel at arbeidet vert starta opp så snart som mogleg, og at det vert fastsett ein tidsplan for arbeidet.

Kommunestyret må bestemma kven som skal ha ansvaret for å utarbeida forslag til forskrift. Det vil her vera to hovudalternativ:

1. Rådmannen får ansvaret for arbeidet.
2. Kommunestyret oppnemner eit arbeidsutval som får ansvar for arbeidet.

Arbeidsmengda med å utarbeida forslag til forskrift vil vera avhengig av om det skal gjerast store endringar i forhold til dei noverande reglane om godtgjersle til folkevalde i Samnanger. Dersom dei noverande reglane i hovudsak skal vidareførast, vil det ikkje vera eit veldig omfattande arbeid. I så fall vil det vera naturleg at rådmannen får ansvaret for arbeidet. Dersom kommunestyret ønskjer at det skal gjerast ein meir grundig gjennomgang/vurdering av reglane, kan det eventuelt vera fornuftig å oppnemna ei arbeidsgruppe med medlemmer frå kommunestyret.

Administrasjonen si vurdering er at det ikkje er behov for å gjera større endringar i forhold til reglane i kommunen sitt noverande reglement. Ut frå dette tilrår administrasjonen at rådmannen får ansvar for å utarbeida framlegg til forskrift.

Når rådmannen sitt framlegg er klart, må det leggjast fram for formannskapet og kommunestyret. Kommunestyret må ved første gongs handsaming ta stilling til korleis forslaget til forskrift skal høyrast/førehandsvarslast før det vert lagt fram for endeleg handsaming/vedtak.